



**SIARAN MEDIA**  
Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-8887 7033 Faks: 03-8881 1008

## **PROGRAM MISI TUISYEN PERCUMA KEPADA B40 PUTRAJAYA 2022**

**PUTRAJAYA, 21 Julai 2022** – Presiden Perbadanan Putrajaya (PPj), YBhg. Dato' TPr. Fadlun bin Mak Ujud menyempurnakan Majlis Perasmian Program *Tuition Mission* B40 Putrajaya Tahun 2022 bertempat di Dewan Sri Melati, Kompleks Perbadanan Putrajaya.

Program *Tuition Mission* B40 Putrajaya Tahun 2022 ini merupakan program kali kedua dianjurkan oleh Perbadanan Putrajaya dengan kerjasama Jabatan Pendidikan Wilayah Persekutuan Putrajaya (JPWPP). Program yang dianjurkan secara percuma menasaskan para pelajar daripada isi rumah golongan B40 ini bertujuan memberi akses kepada anak-anak B40 di Putrajaya untuk mendapat kemudahan pendidikan yang baik. Di samping itu, obektif program ini adalah bagi meningkatkan potensi diri para peserta ke arah kecemerlangan yang holistik.

Pada tahun 2021, program ini telah mendapat penyertaan menggalakkan dan seramai 95.8% telah layak menerima sijil SPM. Bagi tahun 2022, seramai 105 pelajar dari sembian (9) sekolah-sekolah menengah di Putrajaya telah menyertai program ini. Para pelajar akan dibantu oleh seramai 20 barisan tenaga pengajar yang terdiri daripada guru berpengalaman merangkumi 4 subjek teras SPM iaitu Bahasa Melayu, Bahasa Inggeris, Matematik dan Sejarah.

Para peserta program terlebih dahulu mengikuti sesi *Ice Breaking* dan seterusnya sesi Ceramah Motivasi dalam usaha meningkatkan keyakinan diri mereka. Kelas *Tuition Mission* B40 Putrajaya akan dilaksanakan secara fizikal bertempat di Kompleks Kejiranan Presint 9, 11, 16 dan juga di Kompleks Perbadanan Putrajaya mengikut kumpulan yang ditentukan. Kelas dijadualkan pada hari hujung minggu bermula pada 30 Julai dan akan berlangsung sehingga 18 Disember 2022. Semoga program ini dapat membantu pelajar-pelajar yang akan menghadapi peperiksaan SPM

  
(TPr. NORZITA BINTI ABDUL RAZAK)

**Pengarah**

**Bahagian Komunikasi Korporat**

b.p. Presiden Perbadanan Putrajaya

Tarikh: Julai 2022

---

Keterangan lanjut berhubung siaran media ini, sila hubungi Pegawai Media PPj, Encik Mohd Fairus Bin Mohd Padzil di talian 019-3354346